



Broj: 01-04-8708-21-1/25
Sarajevo, 20.03.2025.godine

SKUPŠTINA KANTONA SARAJEVO
n/r Predsjedavajućeg Skupštine Kantona Sarajevo
- O V D J E -

PREDMET: Odgovor na zastupničko pitanje, dostavlja se, -
VEZA: Vaš akt broj: 01-04-8708-21/25 od 14.03.2025. godine

PREDMET: Odgovor na zastupničko pitanje, dostavlja se, -

Zastupnica Admela Hodžić je na 20.radnoj sjednici Skupštine Kantona Sarajevo, održanoj dana 14.03.2025. godine, u okviru tačke Dnevnog reda "Poslanička/zastupnička pitanja, inicijative i odgovori", a u skladu sa članom 211. i 214. Poslovnika Skupštine Kantona Sarajevo, postavila zastupničko pitanje koje glasi:

"Upućujem zastupničko pitanje Vladi Kantona Sarajevo, odnosno svim ministarstvima, javnim ustanovama, javnim preduzećima i svim ostalim ustanovama kojima se Budžetom Kantona Sarajevo obezbijeduju sredstva prema ekonomskom kodu 613900 - Posebna naknada za podsticanje rehabilitacije i zapošljavanje osoba sa invaliditetom, i tražim da se Skupštini Kantona Sarajevo dostavi odgovor, odnosno podnese izvještaj za proteklu godinu, za koliko neuposlenih osoba s invaliditetom je uplaćeno sredstava (prema Zakonu o profesionalnoj rehabilitaciji, osposobljavanju i zapošljavanju lica sa invaliditetom — član 18. najmanje jedno lice sa invaliditetom na svakih 16 zaposlenih, dužni smo uposliti) i koliko je tih sredstava iskorišteno u odnosu na iznos predviđen Budžetom za 2024. godinu i detaljnu informaciju koliko je osoba s invaliditetom koristilo ova sredstva za navedene svrhe uplaćena u Fond za profesionalnu rehabilitaciju i zapošljavanje osoba sa invaliditetom. Detaljnu informaciju tražiti od Fonda za profesionalnu rehabilitaciju i zapošljavanje osoba sa invaliditetom za sredstva koja su uplaćena iz Budžeta Kantona Sarajevo za 2024.godinu."

Nakon zaprimanja zastupničkog pitanja, Stručna služba za zajedničke poslove dostavlja sljedeću informaciju:

U budžetskoj 2024. godini na ekonomskom kodu 613900 - Posebna naknada za podsticanje rehabilitacije i zapošljavanje osoba sa invaliditetom Stručna služba za zajedničke poslove je planirala iznos od 2.000,00 KM. Zbog odlaska u penziju jednog uposlenika, te privremenog nezadovoljavanja broja zaposlenih osoba sa invaliditetom, a u skladu sa članom 18. i članom 19. stav 2. Zakona o profesionalnoj rehabilitaciji, osposobljavanju i zapošljavanju lica sa invaliditetom Fondu za profesionalnu rehabilitaciju i zapošljavanje osoba sa invaliditetom FBiH je uplaćeno 669,00 KM (januar 2024. godina – uplaćeni iznos 334,50 KM,

te februar 2024. godine – uplaćeni iznos 334,50 KM). U peirodu od marta do decembra 2024. godine Stručna služba za zajedničke poslove nije imala izdataka na ekonomskom kodu 613900 – Posebna naknada za podsticanje rehabilitacije i zapošljavanje osoba sa invaliditetom, iz razloga što je ova Služba imala 5 uposlenih lica sa invaliditetom, a što je u skladu sa članom 18. Stav 1. navedenog Zakona.

S poštovanjem,

